

續河南通志

續河南通志

續河南通志卷之三十九

學校志

帝王典學之制辟雍鐘鼓代有加隆而興賢育才至
我

朝而大備

今天子臨雍釋奠巡幸闕里

頒儀注定樂章崇儒右文超越百代而上河洛圖書靈
數名賢道教攸存諸生試於習禮之餘仰觀

文治當必有勃然興起者續學校志

學宮

附書院社學

開封府

開封府儒學乾隆元年奉

旨啟聖宮易名崇聖祠二年奉

上諭增祀吳澄於兩廡三年

詔以先賢有子若列十哲之次

各府州縣學同

祥符縣儒學乾隆二年知縣張淑載重修

杞縣儒學名宦祠舊在學宮西北鄉賢祠在學宮南

乾隆二年邑人高淑弼等捐修皆移於戟門之左

陽武縣儒學雍正八年知縣麻居湄乾隆八年知縣

談謚曾重修

封邱縣儒學乾隆二十一年知縣曾興柱重修

儀封縣儒學乾隆二十四年知縣紀黃中重修

鄭州儒學乾隆三年知州張鉞重修

滎澤縣儒學雍正八年知縣巴鑒九年通判李維坊
重修乾隆八年邑紳李士甄增葺三十年併河陰縣
學爲鄉學

滎陽縣儒學乾隆十年知縣李煦重修

新鄭縣儒學乾隆十一年知縣王大樹重修

崇聖祠十七年知縣陳中捐資修

大成殿

歸德府

歸德府儒學乾隆十六年知府陳錫輅重修

陳錫輅重修儒學記

國家重熙累洽海宇乂安八埏之內守土者罔不崇飾學宮俾

翹秀之士修容乎禮園翱翔乎書圃況在微子受封

王聖源流所自哉郡學自前代迄今屢經興替
皇帝御宇之十有五年余奉
簡命由河南郡調守是邦下車之後肅謁

聖廟顧見丹堊黝昧梁桷彫剝懼不足以揭虔妥靈匠

成翹秀思有以重新之退計所費非數百緡不濟乃

首捐薄俸而邑人之好義者各輸金襄事因是擇吉

鳩工圮者整之缺者補之漫漶者彩煥之始於辛未

秋迄於壬申春凡數閱月而告竣嚴嚴翼翼烘赫有

煒矣夫學校者人才所從出其間興替如山谷之出

雲焉雲之厚薄視乎山之崇卑人才之多寡視乎學

校之盛衰而已歸郡九庠科名甲於中土而郡庠弁

先師禮教之留遺而重以絃歌之陶淑則為功較易也自

茲以往將見霞蔚雲蒸蛟騰鳳起人才之興其未有

平

甯陵縣儒學雍正八年知縣常衍田松齡相繼捐葺

乾隆十年知縣梁景程重修

鹿邑縣儒學乾隆二十四年知縣三世仕重修節烈祠又於明倫堂三建

萬壽亭

永城縣儒學乾隆二十三年知縣羅士昂重修

大成殿二十九年知縣李夔班自

崇聖祠明倫堂次第修建並移建名宦鄉賢等祠於櫺

星門外

虞城縣儒學雍正十一年知縣張元鑑倡修邑紳許

士正等協力董成

彰德府

安陽縣儒學乾隆三年知縣陳錫輅重修

湯陰縣儒學雍正八年知縣楊世達重修

林縣儒學乾隆四年知縣丁永琪重修

武安縣儒學雍正八年知縣唐繹祖修櫺星門易木
爲石

內黃縣儒學乾隆二年知縣李湏重修明倫堂十年
知縣萬作霖重修

崇聖祠戟門櫺星門泮池影壁明倫堂及各宦鄉賢忠
義各祠

衛輝府

汲縣儒學訓導公解乾隆十年訓導楚蘭重修

新鄉縣儒學雍正十三年邑令張鉞重修尊經閣乾

隆二年知縣時正修梓潼祠五年邑令趙開元增修
晦菴祠櫺星門兩廡泮池及明倫堂六年捐俸重修
聚奎樓九年創建神器庫三楹於明倫堂之西十一
年重修

大成殿明倫堂敬一亭

崇聖名宦忠義孝弟節孝等祠儒林坊及教諭等宅增

文昌閣門檻週圍盡砌花磚墻垣

趙開元增修學宮記

新鄉縣解之東爲學宮廟制雖不甚嚴麗然殿廡粗具尚可棲

神至櫺星門內外牆頽木朽往來者視若通衢而兩廡泮池及明倫堂所在亦多傾圯若廟中祭典固陋相仍禮器伶舞殘缺未備

先師

俎豆之區狼藉至此何以興賢育才佐

天子

右文之治也是宜先崇廟貌以肅觀瞻將一切敝墜者謀所以修葺之計工度材約需白金八百邑值災

青之餘積賦未清民力未可以勞爲捐俸以舉其事而監視之周區畫之善則學博潘君實董其成也肇工之日適領新製祭樂器收貯廟中因語潘君曰此正禮樂聿興之時也講明修正非異人任當與君共之潘君勤於鐸職素切釐定絕不河漢余言爰購大清會典及通志各書公餘與潘君共相考核補造先儒之神主以定位次詳稽祭器之品物以肅濯將至禮節有一定之儀文樂舞有自然之度數綴說繪圖彙成一帙俾俎豆之司鼓翟之吏有所循而守焉庶幾入廟生敬臨事而專致其精明神旣得所憑依而又能盡其所以交於神明之具將見聖人在御羣賢陟降是則一代文明之治而余兩人旦暮望之者

輝縣儒學雍正六年知縣張鏐始建忠義孝弟祠乾隆十三年知縣王孚補修

大成殿十五年知縣高儁飛重修奎光樓十八年知縣

文兆甌修

崇聖祠二十一年重修

大成殿及兩廡名宦鄉賢忠孝節義各祠

獲嘉縣儒學乾隆七年署縣事趙開元新東廡十八年知縣吳喬齡修尊經閣魁星樓改建

崇聖祠敬一亭新

文廟周垣重建訓導宅

滑縣儒學乾隆二十六年知縣呂文光重修

懷慶府

孟縣儒學乾隆二十七年邑紳士捐資重修

溫縣儒學雍正十三年知縣顧心錯重修東西廡乾隆四年知縣范元灝重修

崇聖祠五年教諭韓完增建東房六年知縣祖世德重修鄉賢祠邑貢生吳大謨重修卜子祠七年知縣張承謨重修

大成殿九年修戟門二十二年知縣王其華改建鄉賢祠於

崇聖祠左右又重修明倫堂及西齋房

原武縣儒學乾隆四年知縣吳文炳重修十二年教諭萬侯重修明倫堂

河南府

鞏縣儒學乾隆元年知縣李璟補修

大成殿六年署任知縣朱續志重修

崇聖祠十年知縣邱軒昂重建櫺星門敬一亭黑門樓
其餘傾圯處次第修葺

登封縣儒學乾隆三年知縣施奕簪修

大成殿其餘自八年十一年相繼重修

輝池縣儒學乾隆十年知縣梁易簡倡捐重修增置
更衣亭於櫺星門左隙

嵩縣儒學乾隆二十五年教諭陳常訓導劉筆華重
修

崇聖祠三十年知縣康基淵疏濬泮池引賈寨水盈池
而東流會高都水入伊

南陽府

南召縣儒學雍正十三年知縣楊嗣清修

大成殿戟門乾隆四年知縣朱禮陶重修櫺星門泮池
明倫堂傳道齋授業齋

崇聖祠及文昌祠名宦鄉賢等祠七年知縣諸齊賢修
圍牆照壁八年知縣包桂修禮門義路

唐縣儒學乾隆三十年知縣宋梅重修

桐柏縣儒學乾隆九年知縣劉元亨建名宦祠十八
年知縣鞏敬緒遷奎星樓於金臺觀之巽地

鄧州儒學雍正十二年知州杜通文重修

大成殿乾隆十四年知州劉曰章修

崇聖祠於殿後收敬一亭於名宦祠而又修建學正訓

導署

新野縣儒學乾隆二年知縣陳億重修十九年知縣徐金位重建奎樓修鐘鼓樓二十八知縣方鳴球捐修照壁泮池

裕州儒學乾隆二年知州宋立重修

舞陽縣儒學雍正十二年知縣繆集重修

汝甯府

確山縣儒學乾隆九年知縣周之瑚增修

大成殿東西兩廡及文昌閣魁星樓

羅山縣儒學乾隆十二年知縣葛荃倡捐修建

大成殿及東西兩廡餘於十二年相繼重葺十三年捐

募新建文昌祠魁星樓

陳州府

陳州府儒學乾隆元年知府金山知縣潘廷偉教官
賀纘及紳士捐修九年十年知縣宋士莊修文昌節
孝祠十七年添設府訓導署十八年紳士捐修東廡
十九年修

大成殿

金山重修儒學碑記

古者有庠序學校之名而今一歸於學顧由漢以來惟大學耳

唐有天下始詔諸道州縣並置學至宋景佑中藩鎮立學寶元中大郡立學慶厯中諸路州無不立學然猶曰州士滿百人乃得立焉故其間興廢不一及明洪武中既建國子監令天下府州縣皆立學用是三百年來號稱極盛我朝鼎興尊崇

先聖視前代有加
今上御極之二年
詔於

京師大成殿更易黃瓦規制一如闕廷禮
竊謂鄉學之設原與國學相表裏國學之中
親臨袒割行饗射禮聚諸生團橋問道示之於古文
之盛而鄉學之中亦當新賢舍潔庭宇修飭車服禮
器陳鐘鼓管絃於前俾文學之士得以考課肄業而
顧任宮牆之圯聽梁木之壞一如秦人視越人之肥
瘠也其可乎陳昔於治爲州雍正十有二年始改郡
余方量移二千石來守是邦既視事卽舉行釋菜禮
禮畢周視殿廡半皆頽落亟進兩博詢其闕狀胥曰
前守黃公議撤舊而更新之邑子衿各捐助有善意
顧工鉅費縮不克勝任幸公之來庶藉手以告厥成
余曰學宮之新非第神有所依而已宋李觀不嘗言
之乎大懼人材放失而儒學澗疎也余承乏守土敢
不率先以爲倡爰助銀比材而淮令潘君廷偉亦踵
捐於後諸紳士復相勸勉計聚錢幾千緡興修有日
矣會潘令以事罷去署篆者爲許昌別駕程公公益
傾橐金以飲不建始克竣事仆者起斷者續剝蝕者
以新煥乎屹若較昔增崇經始於丙辰之春落成於
丁巳之夏凡閱歲餘云工竣諸君因前請於余曰廟
之興旣惠徵令一言茲可無一言以垂不朽余退謝